



**UNIVERSITY STUDENTS CHRISTIAN FELLOWSHIP (USCF)
USCF (CCT) CHUO CHA TAKWIMU MASHARIKI MWA AFRIKA
SLP 35103 CHANGANYIKENI DAR ES SALAAM**



RISALA YA WAHITIMU KWA MGENI RASMI

Ndugu Mgeni Rasmi, Mchungaji Mlezi, Wanajumuiya, Wageni waalikwa Mabibi na Mabwana nawasalimu kwa Jina la Bwana wetu Yesu Kristo Bwana Asifiwe!

Ifuatayo ni Risala ya wahitimu wa mahafari ya tatu ya USCF CCT CHUO CHA TAKWIMU kwa Mgeni rasmi iliyogawanyika katika sehemu kuu tatu, Utangulizi, Mafaniko, Changamoto, Mapendekezo na Shukrani.

UTANGULIZI.

Zaburi 124:1, "*Kama si Bwana aliye kuwa pamoja nasi na Israel aseme sasa*".

Ndugu Mgeni rasmi, Mchungaji Mlezi, Wanajumuiya, wageni waalikwa mabibi na mabwana, waumini wote kwa ujumla USCF CCT TAKWIMU tuna kila sababu ya kumshukuru Mungu kwa Neema zake na Uaminifu wake kwetu, kwani tumeziona Fadhili zake, Upendo wake na Neema zake kwetu na imempendeza kutujalia afya njema kuifikia siku njema na yenye baraka sana tunaposherekea Mahafari yetu ya tatu tangu kuanzishwa kwa USCF CCT TAKWIMU kama Jumuiya ya wanafunzi wa Kristo chini ya Mwamvuli wa CCT wanomtumikia Mungu tawi la Chuo cha Takwimu hivyo tunakila sababu ya kumsshukuru Mungu.

USCF CCT TAKWIMU ilianzishwa rasmi katika mwaka wa masomo 2020/2021 ikiwa na wanachama wasiozidi 20, miongoni mwao viongozi walikuwa watano. Kwa hivi sasa tunamshukuru MUNGU kwa maana USCF CCT TAKWIMU ina jumla ya washarika takribani 86 ambao kati yao washarika hai ni takribani 60 tu ambao wanashiriki katika ibada na matukio mbalimbali ya nje na ndani ya Jumuiya yetu na viongozi 21 na ministries mbalimbali ikiwemo Kikundi cha kusifu na kuabudu, IT na Kwaya.

MAFANIKIO.

Tunamshukuru Mungu katika kipindi kizima cha masomo tangu mwaka 2021/2022 tumekuwa tukishiriki katika matukio mbali mbali yaliyokuwa yakiandaliwa na Viongozi katika awamu mbalimbali hata sasa tunapofanya mahafari ya tatu, yafuatayo ni mafanikio;

1. Kuendelea na ibada za fellowship katikati ya wiki, kwa siku ya jumatatu kuanzia saa 11 jioni hadi saa 1:00 usiku na siku ya Jumatano saa 12:00 jioni hadi saa 2:00 usiku katika kanisa la KKKT Changanyikeni.
2. Kufanya Ibada na tafrija fupi ya kuwakaribisha wanafunzi wa mwaka wa kwanza na mahafari ya kuwaaga mwaka wa tatu, tunamshukuru Mungu kuwa kwa kipindi chote cha masomo yetu tumekuwa tukishirikiana na Viongozi katika kufanikisha matukio haya hata sasa tunazidi kumshukuru Mungu kwaajili ya Mahafari hii ya tatu tangu kuanzishwa kwa tawi hili.
3. Kufanya matendo ya huruma (charity event); Kwa neema ya MUNGU, sisi USCF CCT TAKWIMU katika kipindi kizima cha masomo yetu chuoni tumeweza kufanya ibada hii ya matendo ya huruma katika vituo viwili yaani kwa mwaka 2021/2022 tuliweza kuwatembelea watoto na vijana wenzetu katika kituo cha CHAKUWAMA ORPHANAGE kilichopo Sinza na kwa mwaka 2023/2024 tulienda BABIWA kilichopo Madale tunashukuru Mungu tulishiriki vyema na tunaomba maono haya viongozi chini ya Mwenyekiti Mzidi kuyabeba.
4. Kushiriki katika kambi ya maombi na kuhudhuria mikesha na semina mbalimbali, tunamshukuru Mungu katika kipindi kizima cha masomo yetu, kwa kushirikiana na viongozi wa tawi tumehudhuria matukio hayo ambayo yamekuwa masaada sana katika kutukuza kiroho na kutufanya tuwe na moyo wa kuzidi kumtumikia Mungu. Tulifanikiwa kushiriki kambi ya maombi ya siku tatu iliyofanyika AIC KIBAHA
5. Kuandaa umisheni.

Marko Mt 16:15, "Akawaambia, Enendeni ulimwenguni mwote, mkaihubiri Injili kwa kila kiumbe. Aminiye na kubatizwa ataokoka; asiyeamini, atahukumiwa". Uongozi wa USCF TAKWIMU ukishirikiana na

uongozi wa USCF ARDHI walifanikisha huduma ya umisioni iliyofanyika mnamo tarehe 24/2 hadi 2/3 mwaka 2024 mkoani SIMIYU wilaya ya MASWA katika kijiji cha BUDEKWA. Na iligharimu fedha za kitanzania Million 18 Tunazidi kurudi kwa MUNGU kwa mioyo ya shukurani kwani ndiye Pekee aliyetusaidia kwa hatua zote za mwanzo wa maandalizi ya umisheni mpaka kufanikisha huduma hiyo.

Pia kwa neema ya Mungu mwaka huu chini ya viongozi wameandaa eneo umission ambao tutarifiwa hapo baadae.

CHANGAMOTO;

Katika kipindi kizima cha masomo na katika kuifanikisha kazi ya Bwana zipo changamoto ambazo zilipelekea tusifanye kazi ya Mungu kwa ufanisi zaidi ambao ni kama ifuatayo;

1. Kukosa siku za ziada za kufanya ibada, hii ni kutokana na kukosa kibali cha kufanya ibada ndani ya chuo, pia katika makanisa yetu jirani (KKKT Changanyikeni na AICT Changanyikeni) kuwa na vipindi mbalimbali vya kiroho katikati ya wiki.
2. Kushindwa kununua vifaa/vyombo vya muziki kutokana na kutokuwa na fedha za kutosha kwa ajili ya zoezi hilo.
3. Ukosefu vyombo vya chakula na malazi kwaajili ya huduma mbalimbali ikiwemo huduma ya kambi za maombi na uinjilisti (umission)

MAPENDEKEZO

Katika kuendelea kuhakikisha tawi linaifanya kazi ya Mungu kwa ufanisi na Viwango tunapendeka mambo yafuatayo;

1. Kuanzishwa kwa umoja wa Alumna utakao kuwa ukiwakusanya wanafunzi wote waliomaliza masomo yao katika chuo cha Takwimu waliokuwa washirika wa umoja wa USCF CCT TAKWIMU hii itasaidia kushirikiana nao katika matukio mbalimbali.
2. Tunapendekeza kuanzishwa na kuendelezwa kwa midaharo ya kujifunza Biblia ili kuwa imara kiroho na Neno la MUNGU litakaa ndani yetu, **1 Yohana 2:14b**
"Nimewaandikia ninyi, vijana, kwa sababu mna nguvu , na NENO LA MUNGU linakaa ndani yenu, nanyi mmemshinda yule mwovu".

3. Kuendelea kufanya kambi za maombi na huduma za umission kwa viwango vya juu sana, ili kuzidi kuwafanya mataifa wamjue Mungu kuwa ndio mwokozi wa Maisha yao.
4. Kuomba kibali ili kuwezesha kufanyika kwa Ibada za fellowship chuoni ili kuweza kuwafikia washirika wengi, na kufanya maandalizi mapema kwaajili ya kuwapokea wanafunzi wa mwaka wa kwanza.
5. Kununuliwa kwa vyombo vya mziki hasa vipaza sauti (spika na maiki) kwaajili ya kuifanya kazi ya Mungu kwa ustadi na kuwafikia waamini wengi zaidi pia kuzidi kudumisha uhusiano baina ya tawi la Takwimu na Matawi Jirani ikiwemo kushirikiana kufanya huduma kwa Pamoja katika kuzidi kudumisha amri ya Upendo na kuzidi kumtangaza Kristo.
6. Kununuliwa kwa Camera kwaajili ya kuweka kumbukumbu ya matukio yanayofanyika kwa ustadi kwani kwa sasa tawi hutumia Camera ya kukodi hivyo kupelekea kuingia gharama za ziada.

SHUKURANI

1 Nyakati 29:13, "*Basi sasa, MUNGU wetu, twakushukuru na kulisifu Jina lako TUKUFU*". Kipekee kabisa tunamshukuru MUNGU ambaye ametuwezesha kuanzia mwanzo wa mwaka wa masomo hata sasa tunaposherekea siku muhimu sana Maishani mwetu, tumekuwa tukimuona Mungu akituwezesha katika masomo yetu hivyo tunawashuhudia kuwa Mungu ni muweza mtumikieni kwa uaminifu.

Pia tunakushukuru Mgeni rasmi kwa kutoa muda wako kuja kuungana nasi katika kufanikisha mahafari haya, Tunamshukuru MUNGU pia kwa ajili ya walezi wengine yaani, KKKT Changanyikeni, AICT Changanyikeni pamoja na CCT UDSM Chaplaincy ambao hawakuacha kutukaribisha malangoni mwao pale tulipohitaji kutoka kwao.

MUNGU awabariki wanachama wote wa USCF TAKWIMU kwa ushirikiano wenu pamoja na uongozi, pale mlijitoa kihuduma na shughuli nyinginezo kama kujitoa kwenye kamati za matukio mbalimbali. Pia MUNGU awabariki viongozi wote wa USCF TAKWIMU katika awamu zote mmejitoa kwa hali na mali katika kuifanya kazi ya MUNGU.